

*DISSERTATIO IURIDICA*  
**IN QVA AGITVR DE  
QVAESTIONE AN IVS ROMANVM  
IVS POSITIVVM CIVILE IN SPECIE  
IN GERMANIA ESSE POSSIT.**

---

QVAM  
PRAESIDE  
VIRO CONSULTISSIMO  
**IOANNE HARTWICH REVERTERO**  
PROFESSORE IVRIS PVBLICO ET FACVLTATIS  
IURIDICAE ASSESSORE  
Die IAN. MDCCLL  
PVBLICO ERVDITORVM EXAMINI SVBMITTET  
AVCTOR ET RESPONDENS  
**VICTOR TOBIAS ERNST**  
MAGDEBVRGENS.

---

*HALAE MAGDEBVRGICAE,*  
TYPIS IOHANNIS CHRISTIANI HILLIGERI, ACAD. TYPOG.



DISCERNITIO IUDICII

IN QVA AGITVR DE  
QUESTIONE AN IUDAEI  
IUS POSITIVVM CIVILE IN SPECIE  
IN GERMANIA ESSE DEBEANT.

QVAM

P R A E S I D E

PRIO CONSULT. LEGIS

IOHANNES HARTWICH REYTERO

PROFESSORE IURIS PVBlici ET PRIVATI

IURIDICAE ALESSORE

DR. MED. LEGAL.

PRIMO EXORDIO IN IUDICIIS

PROF. ET ALESSORE

VICTOR TUBIAS REYTERO

PRIMO CONSULT. LEGIS

PRIMO CONSULT. LEGIS

IOHANNIS CHRISTIANI HILFERT, AUCT. PRIMO

VIRO  
PERILLVSTRI ATQVE EXCELLEN-  
TISSIMO  
DOMINO  
DN. AVGVSTO  
A HAESELER

POTENTISSIMO BORVSSIAE REGI A CONSILIIS

INTIMIS ATQVE BELLICIS

SVMMO DIRECTORI REDITVVM

DVCATVS MAGDEBVRGICL

DOMINO HEREDITARIO IN HAESBLER ET

GESNITZ

DOMINO SVO  
GRATIOSISSIMO

NEC NON

VIRO

PERILLVSTRI ATQVE EXCELLEN-  
TISSIMO

DOMINO

DN. GOTTLIBIO

A HAESELER

AVGVSTISSIMO BORVSSIAE REGI A CONSILII

INTIMISTAE

CONSILIARIO REGIMINIS ATQVE CONSISTORII

TELE QUAE MAGDEBVRGI FLORENT

DOMINO SVO

INDVLGENTISSIMO

OMNIBUS



**E**t si temere agere videor  
**VIRI PERILLVS-**  
**TRES,** quum opusculo  
meo tam imperfecto, et  
ab omni praestantia destituto, amplif-  
sima **VESTRA NOMINA** prae-  
scribo; tamen audacter facere malo,  
quam ingrati animi notam turpissi-  
mam ferre. Tanta enim cum admi-  
ratione felicitatem **VESTRAM** in-  
tueor, vt quem **VOBIS** ea in re non  
dicam anteferendum, sed comparan-  
dum arbitrer, inueniam omnino ne-  
minem. Si mihi animus esset, virtutes

tes VESTRAS laudibus efferre, sane  
mens obstupefacta miraretur tantam  
laudandarum rerum adfluentiam, et  
nescirem quid primo, quid secundo  
loco proferrem. Taceo autem tot  
praeclaras virtutes, quae haud indi-  
gent laudibus meis exiguis, quum  
adeo elucescant, ut omnium oculos  
in EXCELLENTISSIMA NOMI-  
NA VESTRA conuertant, dimit-  
to has, quia non institui illas exor-  
nare laudibus. Nihil autem aequi-  
parandum est singulari VESTRAE  
humanitati, atque gratiae, quarum  
argumenta, quae praecipue in me  
exstant, tot tantaque sunt, ut, ubi  
me verto, vestigia earum inueniam.  
Quae quum ita sint, quis haec silen-  
tio praeterire posset? quis non fla-  
graret cupiditate referendi gratias.  
Quoniam autem mihi nihil reliquum  
est,

est, nisi animus VOBIS deditissimus;  
in significationem eiusdem primitias  
haec manibus VESTRIS offerre au-  
deo. Accipite quaeso eas ea fron-  
te, qua soletis, omnia ea accipere,  
quae a deditissimis cultoribus NO-  
MINVM VESTRORVM  
PERILLVSTRIVM profiscun-  
tur. Quod si a VOBIS, ac a tam  
adcuratis ingeniorum censoribus  
fuero consecutus, non solum laeta-  
bor, me spe de VOBIS concepta  
minus excidisse, sed etiam veluti in  
litterarum stadio mihi currenti cal-  
caria admovebitis. Nihil mihi ma-  
gis curae cordique erit, quam vt  
Deum T. O. M. implorem, vt VOS  
praestet saluos atque incolumes, et  
gloriam Splendoremque EAMI-  
LIAE VESTRAE PERIL-  
LVSTRIS, et conseruet, et au-  
geat.

geat. Sic valete VIRI PERIL-  
LVSTRES, et nec in posterum  
amplissimo patrocinio VESTRO  
indignum iudicate.

PERILLVSTRIVM NOMINVM  
VESTRORVM

Dabam Halae d. 20. Ian.

1751.

*Cultorem devotissimum*

V. T. ERNST.





§. I.



**Lex moralis est regula actionum**  
moralium. Lex moralis, vel obli-  
gationem naturalem secum con-  
iunctam habet, et est lex natura-  
lis, vel positivam, quæ per vo-  
luntatem cuiusdam determinatur,  
et est lex positiva. Lex positiva, vel obligationem  
divinam habet, vel humanam. Si prius dicitur  
lex divina; sin posterius, humana, seu positiva in  
specie.

Sch. I. Doctores I. N. et G. etiam de legibus mixtis loquun-  
tur, quæ partim obligationem positivam, partim na-  
turalem habent, sed tota res ita se habet. Obligatio-  
ne, vel ad motiva respicimus, vel ad principium cognos-  
cendi. Si prius, obligatio materialiter; sin posterius, for-  
maliter consideratur. Obligatio divina et naturalis quoad  
psa motiva, seu materialiter est una eademque obliga-  
tio, sed, si mixta esse debet, quoad principium cognosce-  
di,

A

## 2. *Dissertatio iuridica in qua agitur de quaestione*

di, seu formaliter sumenda est, quia naturalis obligatio ex ipsa natura, diuina vero, ob defectum cognitionis humanae, ex reuelatione cognoscitur (per princip. I. N.). Obligatio humana autem et materialiter et formaliter considerata mixta esse potest, quia tam quoad motiua, quam etiam ratione principii cognoscendi a naturali differre potest (per princip. I. N.). Leges diuinae ergo formaliter tantum, leges humanae autem, tam formaliter, quam materialiter mixtae seu qualificatae esse possunt.

**SCH. II.** Significatus termini legis vagus est, sumitur enim sensu octuplici. Regula est iudicium, secundum quod varia determinantur. Varia haec, vel sunt actiones, vel non. Si prius, dicitur lex significatu I. (huc pertinent leges motus). Actiones hae, vel sunt spontaneae, vel non. Priori in casu est lex significatu II. et est vel moralis, vel non. Si illud nomine legis venit significatu III. Sed haec, vel a superiore praescripta est, vel non. Si prius lex audit significatu III. et quidem, vel ab imperante ciuili, vel non. Priori in casu lex dicitur significatu V. Si ab imperante ciuili praescripta est, vel personae indiuiduali, vel non, si posterius lex vocatur significatu VI. et si hoc, vel expresse promulgata est, vel non, priori in casu lex est significatu VII. Si expresse promulgata est, vel ab vniuerso populo Romano in comitiis, vel non. Si illud lex audit significatu VIII.

**SCH. III.** Grotius definit legem moralem, quod sit regula, cui actiones attemperare quis moraliter scilicet obligatur, quae definitio conuenit cum definitione §. 1. adducta, et ex illa sic deduci potest. Lex est 1) regula (per §. 1.) et sic genus definitionis meae, quod sit regula, cum definitione Grotii idem est. Sed 2) actionum moralium. Actiones morales nuntur libertate, libertas adpetitu et auersatione rationali, adpetitus autem et auersatio rationalis

nalis distincta representatione boni vel mali, quae dat motuum, et sic nituntur motu actionibus connexis (per princip. I. N.). Nexus motuorum cum actionibus sistit obligationem moralem (per princip. I. N.). Hinc recte definit Grotius legem, quod sit regula, cui actiones attemperare, quis moraliter scilicet obligatur.

§. II.

Societas est status, quo personae in personam competit ius perfectum atque adfirmatiuum ex communi fine concipiendum. Personae societatem constituentes dicuntur socii seu membra societatis.

COR. I. Socio ergo in socium, quatenus in societate est, nullum competit ius, nisi ex communi fine conceptibile.

COR. II. Omnia iura atque obligationes, quibus socii gaudent, ex communi societatis fine deducantur necesse est.

SCIL. Status, homines societatem hanc iniisse, dominus & servus sunt membra societatis. Dominus habet ius perfectum in servum, si officio suo non satisfacere velit, ut eum cogat ad officium suum adimplendum, & adfirmatiuum, quod ad actiones commissivas se extendit, ut operis suis utilitatem domini promoveat, sed etiam ex communi fine concipiendum, quatenus servus obligatus est ad utilitatem domini operis suis promovendam.

§. III.

Leges, quas membra societatis habent, quatenus in societate sunt, dicuntur leges sociales.

COR. Leges sociales ex fine societatis communi sunt derivandae (per cor. II. §. 2. & per §. 1.). Hinc lex universalis

#### 4. *Dissertatio iuridica in qua agitur de quaestione*

societatis est: Dirige actiones tuas ad obrinendum societatis finem communem.

### §. III.

Leges societatis, vel ex statu societatis essentiali, vel ex accidentali eius fluunt. Leges, quae ex statu essentiali, seu quod idem est, quae ex notione eius fluunt, dicuntur leges sociales naturales, leges autem, quae ex statu accidentali, seu ex circumstantiis fluunt, legum positivarum nomen accipiunt.

COR. I. Societates, quatenus tanquam societates considerantur, sunt entia eiusdem speciei, et hinc eandem essentialiam habent (per princip. metaphys.). Omnes societates ergo, quatenus tanquam societates considerantur, easdem leges naturales habent.

COR. II. Ens, si sub circumstantiis consideratur, tanquam individuum consideratur (per princip. log.). Leges ergo positivae competunt societati tanquam individuum speciei.

COR. III. Ens, si existit tanquam individuum existit (per princip. metaphys.). Hinc in societate non solae leges naturales sufficiunt, sed etiam positivae in illa esse debent.

COR. IIII. Non dantur entia perfecte similia (per princip. metaphys.). Societates in individuo si consideres, non perfecte similem statutum individualem habent, seu sub iisdem circumstantiis existunt, sed quodam in modo adhuc diversae sunt. Hinc societates non iisdem legibus positivis instructae sunt, sed leges positivae vultus societatis, a legibus positivis alterius societatis differre debent.

COR. V. Determinationes entis essentielles sunt immutabiles, accidentales vero mutabiles (per princip. metaphys.).

§. A

Hinc

Hinc leges naturales societatis sunt immutabiles, leges positivae vero mutabiles.

COR. VI. Accidencia entis mutari possunt salvis essentialibus (per princip. metaph.). Hinc leges positivae in societate mutari possunt, salvis manentibus legibus naturalibus societatis.

COR. VII. Status entis individualis, si perfectus esse debet, cum statu essentiali eiusdem consentiat necesse est (per princip. I. N.). Leges ergo positivae, si perfectae sint, legibus naturalibus societatis haud repugnare, sed cum illis consentire debent.

SCH. Plura adhuc consuetaria hac de re facili negotio deducere possem, sed acta agerem, quoniam ad scopum meum non pertinent. Qui plura hac de re legere cupit, velim legat DARRIS Virum Doctissimum in Institutionibus suis iurisprud. univ. Sect. III. cap. I. §. 613-634. ubi originem ~~legum positivarum~~ philosophice si consideretur, luculentissime ostendit.

#### §. V.

In societate sunt membra societatis, et habent iura sua (per §. 2.). Sed duplex hic occurrit casus. Vel quilibet sociorum iura sua socialia ipse exercet, vel socii in membrum quoddam societatis iura sua socialia transferunt, quod caput societatis dicitur. Si prius, est societas aequalis; sin posterior, inaequalis.

#### §. VI.

*Capiti societatis competit imperium.* Imperium est ius de actionibus entis cuiusdam intelligentis disponendi. Ille cui competit imperium dicitur

## 6 *Dissertatio iuridica in qua agitur de quaestione*

**Imperans.** In societate inaequali membra societatis iura sua socialia non ipsi exercent, sed transferunt in membrum quoddam societatis, quod caput societatis dicitur (per §. 5.). Iura socialia autem, quae exercet caput societatis, sunt iura adfirmatiua (quae ad actiones commissiuas se extendunt) atque ex communi fine concipienda (per §. 2.) hinc habet ius actiones sociorum ad communem finem societatis dirigendi. Ius actiones alterius dirigendi, seu de actionibus alterius disponendi dicitur imperium (per definit.). Habet ergo caput societatis imperium.

**COR.** Ergo est imperans societas.

**SCH.** Definiunt ordinarie imperium Doctores I. N. et G., quod sit ius de actionibus entis cuiusdam intelligentis pro arbitrio disponendi, sed terminus pro arbitrio proprio tam vagus, quam superfluus est. Vagus est: sumitur enim 1) pro libertate 2) pro quolibet adpexu sensitiuo et denotat idem, quod gutbündchen oder eigener Gefalle, et hoc significatu non ad imperium adplicari potest. Superfluus est, si pro libertate sumitur. Nam cui competit imperium illi competit ius (per definit.). Ius est facultas moralis, morale id dicitur, quod per libertatem actuari potest. Hinc terminus libertatis est nota ingrediens definitionis iuris mediata, et hac ratione ex termino iuris iam sequitur, hoc libere fieri debere. Potest etiam sic demonstrari. Nullum nobis competit ius, nisi ad ea, quae nos perficiunt, et nihil volumus pro libertate nostra, nisi quae nos perfectiores reddunt (per princip. I. N.). Hinc, si ius nobis competat de re quadam disponendi, libere fieri debet.

§. VII.

Societati cuiusdam, vel aliae societates subordinatae sunt, vel non. Si prius, dicitur societas composita seu maior; sin posterius, societas simplex seu minor audit. Societati compositae, vel iterum aliae compositae subordinantur, vel non. Si illud dicitur societas ex compositis composita; sin hoc, societas ex simplicibus composita.

SCH. I. In iure naturae tres tantum societates simplices pertrahantur, societas nimirum conjugialis, paterna atque herilis, et ex his tribus societatibus simplicibus oritur familia, quae est societas ex simplicibus societatibus composita.

SCH. II. Quid societates subordinare ex iure naturali satis manifestum est; quapropter notiones hac de re evolvere superfluum esset.

§. VIII.

Civitas est societas inaequalis plurium familiarum, cuius finis est securitas. Membra civitatis ciues adpellantur. Civitas est societas inaequalis (per definit.). Hinc quilibet membrorum iura sua socialia non ipse exercet, sed in membrum quoddam societatis transferunt (per §. 5.). Subiectum in quod iura in civitate transtulerunt dicitur imperans civitatis, reliqua vero subditi.

COR. Civitas ergo est societas ex compositis composita (sch. 1. §. 7.).

SCH. I. Posset quis dubium proferre, hominis etiam in societate non viuentes posse constituere civitatem, vide exemplum

plum de prima republica Romana, et hinc etiam familias ad civitatem constituendam haud esse necessarias. Sed finge, civitatem non ex pluribus familiis consistere, civitatis scopum securitatem nimirum haud posse obtineri quis ibit incicias. Mox ad interitum rueret ciuitas, nisi hominis procrearentur, qui de securitate ciuitatis possent esse solliciti.

SCH. II. Ad subditos etiam referuntur sensu generaliore ii, qui sunt in ciuitatis territorio et non ciues, quapropter etiam adpellantur subditi non ciues, qui tantum obligationem negatiuam habent, vt non agant contra securitatem ciuitatis, sed ad hanc differentiam inter subditos ciues, et non ciues, vt respiciam, non opus habeo.

SCH. III. Definit Vir Excellentissimus DARIUS in Institutionibus suis iurisprud. vniuers. Sect. V. cap. I. §. 655; ciuitatem, quod sit plurium hominum sui iuris securitatis causa, cum admissio communi imperio coniunctio, quae definitio ex mea deduci potest. Ciuitas est 1) societas in aequalis, hinc plures homines cogitari debent, qui iura sua non ipsi exercent, sed cum communi admissio imperio (per §. 5. 6. et 8.) 2) Plurium familiarum. In familia pater-materque familias sunt caput familiae (per princip: I. N.) et omnia iura exercent in familia (per §. 5), hinc si plures familiae se coniungere debent cum admissio communi imperio non dependet a membris familiae, sed a capite cuiuslibet, et tunc illud tantum ad homines ciuitatem constituentis referri potest. Sequitur etiam quia caput familiae sunt, vt non sint sub imperio capitis familiae (per oppos.). Homines, qui non sunt sub imperio capitis familiae, dicuntur sui iuris, hinc homines societatem constituentes sui iuris esse debent. 3) Cuius finis est securitas. Haec differentia definitionis meae eadem est, cum differentia definitionis Viri Con-

suffici-



sacissimi DARES. Civitas ergo est plurium hominum sui iuris, securitatis causa, cum communi admissio imperio conjunctio.

§. VIII.

Leges, quas membra ciuitatis obseruare tenentur, leges civiles audiunt. In ciuitate autem duplex nexus est, vel enim considerantur subditi in relatione ad imperantem, vel inter se (per §. 8.). Prior nexus vocatur publicus, posterior priuatus. Leges ergo inde oriundae, vel sunt leges civiles publicae, vel leges civiles priuatae.

§. X.

In ciuitate sunt leges publicae (per §. 9.) Hae, vel ex notione nexus publici fluunt, vel circumstantiis, sub quibus ~~nexus publicus cogitatur~~, determinantur (per §. 8. et 4.). Priores nomine legum ciuilium publicarum vniuersalium veniunt; posteriores autem legum ciuilium publicarum particularium.

Con. Quicquid de societate valet, etiam de ciuitate, quatenus est societas valere debet (per princip. log.), hinc sequentia confectaria tanquam ex prono fluunt alueo (per §. 8. et 4.).

- I. Omnes ciuitates habent easdem leges publicas vniuersales.
- II. Leges publicae particulares ciuitati compentunt tanquam indiuiduum spectatae.
- III. In ciuitate non leges publicae vniuersales

B

fuf-

10 *Dissertatio iuridica in qua agitur de quaestione*

sufficiunt, sed etiam particulares requiruntur.

III. Leges publicae particulares vnius ciuitatis a legibus publicis particularibus alterius ciuitatis differre debent.

V. Leges publicae vniuersales sunt immutabiles, particulares vero mutabiles.

VI. Leges publicae particulares mutari possunt saluis legibus publicis vniuersalibus.

VII. Leges publicae particulares, si perfectae esse debent, legibus publicis vniuersalibus non contradicant, sed cum illis consentiant necesse est.

Scilicet. Terminus positium et terminus particulare pro synonymis habentur, et sic etiam leges particulares et positivae eundem significatum habent; tamen terminus legum particularium magis usu receptus est in iure publico, quam terminus legum positivarum.

§. XI.

In ciuitate sunt leges priuatae (per §. 9.). Hae, vel ex notione nexus priuati fluunt, vel ex circumstantiis seu determinationibus indiuidualibus (per §. 8. et 4.). Si prius, dicuntur leges ciuiles priuatae naturales seu vniuersales; sin posterius, legum ciuium priuatarum positivarum nomen accipiunt.

Con. Exinde iterum fluunt consecutaria:

I. Omnes ciuitates habent easdem leges priuatas vniuersales, seu naturales.

II. Le-

*an ius Romanum ius positium civile in specie &c. II*

- II. Leges priuatae positivae ciuitati tanquam indiuiduum spectatae competunt.
- III. Leges priuatae vniuersales non sufficiunt in ciuitate, sed etiam positivae in illa necessariae sunt.
- III. Leges priuatae positivae vnius ciuitatis a legibus priuatis posituius alterius ciuitatis differre debent.
- V. Leges priuatae vniuersales sunt immutabiles, positivae vero mutabiles.
- VI. Leges priuatae positivae mutari possunt saluis legibus priuatis vniuersalibus.
- VII. Leges priuatae positivae, si perfectae esse debent, legibus priuatis naturalibus non contradicere, sed cum illis consentire debent.

SCH. Civile in genere dicitur id, quod ciuitatem spectat, et sic termino et de legibus publicis et de legibus priuatis utimur, sed in specie id civile dicitur, quod nexum priuatum concernit, et sic civile opponitur publico, hinc leges civiles priuatae etiam dicuntur leges civiles in specie.

§. XII.

Ius obiectivae sumtum est complexus legum homogenearum.

COR. I. Possunt leges pro diuerso respectu homogeneae atque etiam heterogeneae esse.

COR. II. Quid igitur ius sociale naturale atque positium, quid ius civile publicum vniuersale atque particulare, et quid ius civile priuatum tam vniuersale quam particulare facile patet.

## 12 *Dissertatio iuridica in qua agitur de quaestione*

SCH. I. Circa definitionem iuris obiectivae sumti haec sunt monenda: Non sufficit ad ius obiectivae sumtum, quod addit complexus legum, sed leges homogeneae esse debent, seu leges eiusdem speciei. Finge enim te habere complexum legum, sed leges v. g. partim essent Romanae, partim germanicae, partim Danicae, nullus tibi concedet, te habere ius, sed diversa iura. Statue autem te collegisse complexum legum v. g. Romanarum, tunc esse ius nullus dubitabit, quia leges sunt homogeneae, seu eiusdem speciei.

SCH. II. Terminus iuris valde vagus est, denotat enim 1) facultatem moralem, vti §. 2. 5. et 6 termino usus sum 2) complexum legum homogenearum 3) id, quod iustum est 4) iuris scientiam seu iurisprudentiam 5) titulum 6) sententiam iudicis 7) locum, ubi praetor sedebat et ius dicebat 8) necessitudinem seu coniunctionem sanguinis, sed in hoc significato vocabulum ius rarissime sumitur, sed hic significato secundo, scilicet, quod ius sit complexus legum homogenearum, termino semper utar.

### §. XIII.

Ius positivum civile in specie est complexus legum positiviarum civilium in specie ( per §. 10. et 11. ).

COR. Omnis ergo, quae de legibus civilibus positivis prius §. 10. dicta sunt, etiam ad ius positivum civile in specie applicari possunt; hinc consectaria ex hoc deducuntur.

I. Ius positivum civile in specie competit civitati, quatenus individuum est.

II. Ius

II. Ius posituum civile in specie in ciuitate necessarium est.

III. Ius posituum civile in specie unius ciuitatis a iure civili in specie alterius ciuitatis differre debet.

III. Ius posituum civile in specie est mutabile.

V. Ius posituum civile in specie non contradicere debet iuri vniuersali civili in specie.

SCH. I. Non opus est, vt in definitione iuris positiui civilis in specie notio homogenei ponatur, quatenus enim leges tanquam leges positiuae civiles in specie considerantur, etatenus etiam sunt homogeneae.

SCH. II. Quam maxime inter se disceptantur ICr, num ius posituum civile in specie possit demonstrari, sed ex hactenus dictis tota res breuissimis erit diiudicanda: Demonstrare est aliquid ex principiis certis certo modo deducere. Ius posituum civile in specie ergo demonstrare est illud ex principiis certis certo modo deducere. Verum enim vero ius posituum civile in specie ex circumstantiis, seu ex determinationibus individualibus nexus priuati ciuitatis desumtum est (per §. 12. et 10.). Hinc determinationes individuales nexus priuati sunt principium certum. Quum autem ius posituum civile in specie non contradicere debeat iuri vniuersali civili in specie (per o. v. cor. §. 13.), hoc etiam dat principium certum. Demonstrat ergo quis ius posituum civile in specie, si illud ex circumstantiis nexus priuati certo modo deducatur, sed ita, vt iuri vniuersali civili in specie haud repugnet. Sed ius posituum civile in specie ex solis legibus naturalibus in specie deducere idem est, ac illi mensuram heterogeneam adplicare.

#### 14 *Dissertatio iuridica in qua agitur de quaestione*

##### §. XIII.

Ius Romanum est complexus legum priuatarum positiuarum Romanarum.

COR. Quicquid ergo de iure positiuo ciuili in specie §. 15. dictum est, etiam de iure Romano ualere debet, atque exinde haec consectaria fluunt.

I. Ius Romanum competit ciuitati Romanae, quatenus indiuiduum est.

II. Ius Romanum in ciuitate Romana necessarium est.

III. Ius Romanum a iure positiuo ciuili in specie alterius ciuitatis differre debet.

III. Ius Romanum est mutabile.

V. Ius Romanum non contradicere debet iuri vniuersali ciuili in specie.

SCH. I. Definitionem iuris Romani etui loquendi ICtorum esse consentaneam, ex exemplo de lege Romana Falcidia dicta luculenter patebit. Haec lex est 1) lex ciuilis, quia est regula actionum moralium eorum, qui in ciuitate sunt 2) ciuilis in specie, quoniam ex illa cognosci potest, quomodo subditi erga se inuicem agere debeant 3) positua, et quidam Romana, nam ex determinationibus indiuidualibus reipublicae Romanae desumpta est. Sume plures leges, sic habes complexum legum.

SCH. II. An ius Romanum possit demonstrari ex Sch. II. §. 13. facile patet.

##### §. XV.

*Ius Romanum non potest esse ius positium ciuile*  
in

*in specie in altera ciuitate.* Ius positium civile in specie est complexus legum ciuiliū priuatarum posituarum (per §. 13.) et eatenus competit ciuitati, quatenus indiuiduum est (per num. 1. cor. §. 13.). Ius ergo Romanum, si in altera ciuitate ius positium civile in specie esse deberet, ciuitati vt indiuiduum, consideratae competeret necesse esset (per §. cit.). Sed ius Romanum competit ciuitati Romanae tanquam indiuiduum spectatae (per num. 1. cor. §. 14.). Hinc non alteri ciuitati (per cor. III. §. 4.) et in altera ciuitate ius positium civile in specie non constituit (per num. 1. cor. §. 13.).

§. XVI.

*In Romanum non est ius positium civile in specie in Germania.* Germaniam esse ciuitatem lippis atque tonsoribus notum est, hinc omnia, quae de ciuitate §. 15. demonstrata sunt, etiam de germania, quatenus est ciuitas, valere debent (per princip. log.). Patet ergo ius Romanum etiam in Germania non esse ius positium civile in specie.

SCH. Ex haecenus demonstratis non sequitur, ius Romanum nullum vsum habere in Germania: sed omnino adhuc adplicari posse ad statum Germaniae, Sed quisquis facile intelligit, si adplicari debeat, ita hoc fieri debere, vt ciuitas Romana atque germanica sub iis circumstantiis considerentur, in quibus aliquam similitudinem habent. Sunt autem quidam ICI, qui ius Romanum adeo in deliciis habent, vt non solum nexui priuato cuiuslibet ciuitatis, sed etiam iuri publico atque iuri gentium, ast insaufte fidere immiscere studeant. Per multis argumentis

tis historicis sententiam meam corroborare possem, quam absonum sit, ius Romanum ad statum Germaniae torquere. Sed profecto amplissimum ingrederer campum, relinquo autem hunc, quum mihi non proposuerim, historice hac de re agere. Habent adhuc antiquitatis studiosi campum, in quo insinuata eorum eruditio excurrere potest. Plura hac de re dicere, temporis angustiae prohibent, filum igitur dissertationis meae abrumpo.

# FINIS.

PRAENOBILISSIMO ATQVE DOCTISSIMO

DOMINO  
RESPONDENTI

S. P. D.

PRAESES.

**V**ix in praelectionibus iuris canonici diligentiae TVAE quibusue praeconiis maclandae animum aduerteram, dum specimen eiusdem proprio prorsus Marte exasciatum mihi obtuleris, ut idem illud publice ventilatum in arenam cathedrariam, me duce, descenderes. Adcepi hanc spartam hoc lubentius, quo magis aliquid in eo officii vertitur. Quum autem id quidem negotii iurisue



visus sibi datum esse persuasum sibi habere soleant praefides, ut quae ipsis ad palatum non sunt atque a suis ipsorum principis abhorrent, lituris inducant, addant contra, quaecunque notatu digniora deesse rentur; Certe aliquantisper me suspensum detinuit, an et ego hoc, quicquid est, iuris vterer. Neque enim possum, quin in omnibus, in primis in evolutione legum socialium positiuarum atque naturalium indeque pendentium conclusionum a TVA parte me non stare, ingenue fatear, ne Charissimis Auditoribus, qui meo animo imbibebunt principia, bilinguis, alia in alia cathedra statuens, ipseque trocho fortassis versatilior viderer. Verum quum iuris naturalis et civilis in meis subselliis tirocinia hauri posueris, in doctrinis veromaxime iuris naturae maximam partem tantum non omnes eiusdem Doctores non conspirare obseruauerim, fere ut qui eos in concordiam reducere satagit, latere lauet,

atque idem iungat vulpes et mulgeat bircoſ,  
studiorum autem TVORVM tantam in TE fiduciam animaduenterim, ut TVA, quibus subscripsisti atque tectis opponentium exposuisti, principia strenue propugnandi viribus polleas; tantum sane abest, ut cum summa TVI iniuria centonem, spurium, quem neuter suum agnosceret partum, conficere animus tulerit, ut incubrationes TVAS doctissime et eleganter conscripſas, nihil omnino, quod testor, iis addens, nihilque detrabens TIBI gratabundus reddam. Macſte igitur praeclara hac TVA virtute esto, felicitique ingenii TVI ad optima quacuis nati pariter ac formati ausu! Faxit SVMMVM NVMEN, ut doctrinae laus in dies augescat

gescat magis magisque, TIBIque maximis fortunis liceas esse ornatissimo. Vale, mihiq; quod facis, faue. Scribebam in Rogia Friedericiana d 12. Cal. 1751.

VIRO PRAENOBILISSIMO DOCTISSIMO  
DOMINO AVTORI

S. P. D.

GVILIELMVS SAMVEL AB HERFORD

SILESIVS, OPPONENS.

**P**raeses TVVS Inclutus, quem ego vehementer Autorem sequor in ratione studiorum, maxime benigno consilio, ut provinciam susciperem, suffit, unde Opponentis TVI nomen deriuandum est. Qui prima coepta huius consilii cogitatione deceptus sibi persuasum habebit, me iniusto titulo TIBI bellum, ut ita loquar, esse illaturum, si praeterea rescierit TE LL. naturae strenue colere meque TIBI adhuc prorsus incognitum fuisse; sicque laesionis rationem et occasionem aucupari, indicaturus est, a vero maxime aberrabit. Alia mens, alius animus est: TVIS verbis locum fecit, monuit, poposcit Praeses Inclutus, ut, cui me nunc accingo, defungar officio, VIR NOBILISSIME. Validitas animi virium et conscientia successus, quocum culturam earum nondum satis diu suscepi, negabant quidem, illius officii executionem eam fore scaturiginem, ex qua TVARVM veri nominis perfectionum cognitio, applausus, honores promanarent. Cur ergo arceam, qui digniores me TECVM

in

an ar eniam descenderent? Nonne laedo, si eximiae TVAE specimine Eruditionis publico mihi ingenii documento elegantissimi agnito, solidissimis mentis praerogatiuis praeditis; specialiora distinctius perspicendi, in generalioribus principiis versatissimos, in quorum animi facultatibus plus quam in meis, tantum pene ac in TVIS est, ut periculum TECVM faciant, non permoueo? Minime. Licet enim in praesentiarum adeo felici mihi esse, ut in typo hunc distinctarum idearum statum experiar, quem ardentius exopto, aemulatione quicquid sum ad eum profecturus acceptum TIBI referam. En optima huius negotii consecraria! Encomiis iam grauis fluat oratio, sed et iis delineandis impar sum. Si quid humeri valeant audeo, tantum profitebor, TE exantlasse laborem laude dignissimum. Profitebor ingenium, acumen, dexteritatem, methodum admirabilem prodi dissertatione. Quin elaboratio ipsa TVAE laudis verae cultus est solus dignus fide abundans. Nihil itaque reliquum reor, quam ut pia mente manuque vota adiiciam. Gratulor ergo TIBI de spatio studiorum curriculi feliciter emenso, ope cuius ipse TVA optime testaris encomia. Gratulor Patriae, quae TVO labore improbo in rebus gerendis mox fructura est. Gratulor Genti TVAE splendidissimae, quae TE, familiae Deus desideratissimum, profundorum cognitione imbutum ouans recipiet. Viue diu! sint vota TVA semper completa! Denique etiam atque etiam vale meique semper memorem esse beneuolus perge. Dabam in Fridericiana d. 23. Ian.

1751.

C 2

PRAENO.

FRAENOBILISSIMO ATQVE DOCTISSIMO  
DOMINO  
RESPONDENTI  
AMICO AESTIMATISSIMO

S. P. D.

ADOLPH ERIEDERICH. LOCCENIVS

STRELITZA MEGAPOLITANVS

OPPONENS.

**T**VAE in FRIDERICIANA adquisitae eruditionis specimen magna cum cura magnoque iudicio confectum eruditorem subiicis examini, opponentis vero mihi spartam demandas VIR PRAENOBILISSIME. Non ex consuetudine ex ipso potius opere de illo TIBI publice gratulandi me obligatum censeo. Delicatae enim partim materiae delectus, partim methodus, qua in amice inter se conspirantibus connectendis veritatibus usus fueris, TEcuilibet lectori cordatiori in utroque firmum sistunt, gratulationemque exigunt. Praeprimis autem scribendi illud genus eo maiores TIBI conciliat laudes, quo magis ceu inauditum tyrannide quasi consuetudine plerorumque obtusae aures illud perborrescunt, ac ut pestilentielle malum damnant execranturque. Non desunt, quidem, qui salutarem tradunt regulam: Summa cum diligentia ei agendum esse, qui sacris Themidis imitari cupit, ut non tantum conceptus entium moralium cum legibus ac regulis iuris memoria teneat, sed etiam haec omnia rite inter se digesta in systema veri nominis intellectu comprehendat; quomodo autem facillime systema, quod desiderant, obtineatur, in desideratis relinquunt, aut ad minimum non conveniunt eruditi. Optimam TV optimorum sententiam sequutus es, quorum vestigia et ego persequi enitor, illisque insisto. Hi enim volunt,

lunt, ut regulas cogitandi ex logica diligenti tractatione distincte cogitas, iuncto sanioris philosophiae, huiusque principis subitxi iuris naturae studio iustitiae studiosus sibi familiares ante reddat, quam ad ipsa artis aequi bonique praecepta imbibenda animum adpellas, ne rem maximi momenti, bona, honorem, et vitam civium spectantem illoris, ut aiunt, manibus tractasse videatur. Et certe non tanta leguleiorum, et vabularum fora circumstrepere turba, qui verba crepant legum vim autem ac potestatem verborum ignorant cum ignavissimis. Haec exosa bonos natio adeo omnem sanae rationis sensum eiurasse videtur, et quum rationem pondera pensitare non queant, solis umbratilium magistrorum reguntur opinioibus, eumque denum officio suo omni ex parte satisfecisse sibi persuadet, qui amplissimis amplissimarum Doctorum sibi adfuentium turmis instructus in aciem prodire nonit. Sed quo fato trabor, quidque longa hac de re oratione ad TE opus? cui eandem mecum sedere animi sententiam multis ex rationibus patet. Non dubitasti nimirum exemplam imitari eorum, quibus nos ambo in abscondita artis nostrae adyta penetranda praeceptoribus, pia mente deueniendis, magistris in methodo felici cum successu vsi sumus. Omni enim intra uniusque solertia incubrationibus philosophicis primitias tribuisti diligentiae, sanioris philosophiae principis satis instructus operi denum ipsi manus admovisti; artisque praeliminaribus degustatis ad intricatas multaque incertitudine involutas Iuris nostri theses ipsas evoluendas progressus es. Non profunder igitur lacrymas eorum instar, qui in Theoria iuris nihil solidi, nihil certi, nihil cauto fides haberi possit, esse, adeoque in applicatione eiusdem ad facta obvia omnes non posse non fluctuare, ac velut incertis agitari procellis queruntur, principia scilicet et huius disciplinae daricertissimum habes, ipsa nouisti et tenes, et quomodo illis, data occasione, datore casu, utendum sit logica viam sternis, hunc in finem non autem in spem futurae obliuionis concocta. Omnes fere numeros impluisti TIBI ergo, *FAMILIAE TVAE*, et omnibus, quibus in posterum puriori iustitia auxilio eris toto expecto

re ad profectus in iure nostro non possum non gratulari. *TV* propriis  
non autem alienis vides oculis; *FAMILIA TV* a per se effulgens ex  
*TE* novum splendorem excipit novamque lucem, Cobors derique pa-  
traculum anxie ex *TE* quaerentium *TE* defensore contra omnes effre-  
natorum adyressiones tutissimus stabit. Sic *TIBI* satis omnibusque ex-  
spectatissimus eris. Vale mihiq; faue. Dabam e museo Halae  
propter salam d. 23. Ian. 1751.

---

**H**ALAM dum linquis, specimen doctumque  
relinquis  
Deliciumque meum, deliciumque PA-  
TRIS  
Et dissertando veneraris regia iussa  
Det DEVS, vt studiis praemia digna feras.

Amoris ergo Per-eximio DNO. Resp.  
Consobrino suo delectissimo Gratul.  
Scrib.

I. I. PLAEN,  
Past. Vaethens.

---

MONSIEUR  
MON PLUS CHER AMI

**Q**uoique je n'aye pas besoin de chercher des  
occasions, pour VOUS donner des epreu-  
ves de ma tendresse due à l'amitié, don-  
nez VOUS me croyés digne jus qu'ici; ( car  
je me flatte, que VOUS êtes suffisamment persuadé  
de

de mon amour) je le trouve pourtant à propos de profiter de l'occasion favorable qui se présente à mon ardeur de satisfaire à mes devoirs, en témoignant au public, quel cas je fais, de mes amis, principalement de VOUS, qui VOUS êtes un de ceux, qui font une partie de mon coeur. Que tout le monde sache donc, que je VOUS félicite cordialement de l'applaudissement à VOS disputes, que VOUS venés de recevoir, & que je n'ai rien tant à coeur, que de mériter toujours le nom de

## VOTRE

Halle le XXieme d. Janvier  
MDCCLI.

*Ami le plus sincere*

Jean Godefroi Kayser

Etudiant en droits natif de Magdebourg.

**D**er Brennen Numa gibt gesetz  
Und schütz Astræns Heiligtum.  
Schendk ihren Priestern Huld und Schätze  
Verschaffet ihnen Er und Rum,  
Freund! der sich ihren Dienst geweiht  
Sei stolz, denn Friedrich ziert den Thron  
Dir, dem nur Wissenschaft erfreuet,  
Ertheilt uns seine Huld dem verdienten Lohn.

M. P. v Katt.

Freund!

**F**reund! den nie ein fauler Schummer wieget  
Der den Reiz, der in der Jugend lieget,  
Und das, was man wäre Ere nennt

Anschauend kenneet.

Was uns Wissenschaft und Wahrheit zeigen  
Wachst Du dir begierig forschend eigen  
Und versuchst es Dich zu höhern Dingen  
Empor zu schwingen.

Heute, da Dich Ruhm und Beifall schmücken  
Will auch ich die Regung nicht ersticken  
Und Dir Glück auf Deinen Eren • Stufen  
Fröhlich zu rufen.

Dies schreibt zum geneigten Andenken des  
Herrn Respondentis aufrichtiger  
Freund und Diener

**D. W. L. von Eldit**  
aus Salze im Magdeburgischen

**D**u jährtlich treuer Freund zeigst zwar im Wort Ge-  
fichte

Du könntst Dich unbefiegt gelert bestritten sen  
(Der Ehre muß man auch, wie Du entgegen gen)

Wie aber wär es wenn dein Freund den Satz beibrächte:

Ich liebe Dich so stark, so standhaft, und so rein

Das Du mich zwar kannst auch so zärtlich lieben

Doch kan kein trieb von Deinen trieben

Noch feuriger als der meine sein.

Getraust Du besser Freund Dich dieses umgukeren?

O hier besiege ich Dich! das soll mein Herz Dich lehren

Aus wahrer Freundschaft schreibt  
dieses

**Anton Ulrich Süsserman**  
D. M. D. aus Hildesheim